

## Prusidimentus kumun di Piskiza: Kolheta di sangi

### Kuzé k-é un kolheta di sangi?

Un kolheta di sangi é un forma di tra sangi pa análizi di laboratóriu. Az ves un amostra di sangi ta tomadu oras ki txukidu un gudja na un veia na bu brasu, normalmenti pertu di kutuvelu. Otu ora, podi uzadu un gudja pikinoti pa pika ponta di dedu y tra alguns gotas di sangi. Kuantidadi di sangi tradu ta dipendi di tipu di testi ki sa ta fazedu.

### Purguntas pa fazi:

1. Nhos sa ta tra nha sangi so pa piskiza ô é ta fazi parti tanbé di Nha kuidadu médiku rigular?
2. Kantu sangi ki ta tradu y kantu pikada di gudja ki-m ta dadu?
3. Kenha ki ta djobi nha análizi?
4. Kuzé ki ta kontisi si análizi mostra un prublema médiku?
5. N ta ben resébi rizultadu di análizi?
6. Modi ki Nha privasidadi ta ser prutejidu?
7. Pa kantu tenpu Nhos ta guarda Nhas amostras?
8. Nhas amostras di sangi ta bai ser uzadu na otu studu na futuro?
9. Rizultadus di análizi ta ben fazi parti di Nha rijistu médiku?
10. Kenha ki-m debi txoma si-m ten un purgunta sobri es studu li?



THE HARVARD CLINICAL  
AND TRANSLATIONAL  
SCIENCE CENTER



BOSTON  
UNIVERSITY

Tufts

CTSI

Tufts Clinical and  
Translational  
Science Institute


*Es disdobavel li teni informason jeral pa finalidadi idukasional y el é ka fetu pa da konsedju médiku. Ter di bu médiku ô ikipa di piskiza pa konsedju spisiifiku pa bu situason, antis di bu aji ku basi na kualker informason ki sta li.*


Pa mas purgunta?  
Txoma:

version # (v1.0)

# Da Sangi

# Pa Piskiza





**Partisipa na piskiza é bu iskolha.  
Sta informadu. Fazi purgunta. Resébi rispósta.**

## **Modi ki-m debi prepara pa un rikolha di sangi?**

Fala ku gentis di piskiza pa bu podi intendi manera di prepara pa tra sangi. Gentis di piskiza ta djobi kes informason ku bo. Sertifika ki bu ta intendi kuzé ki é speradu di bo.

## **Ki riskus ki ten na un rikolha di sangi?**

Rikolha di sangi é mutu siguru. Ka ten grandis riskus na rikolhi bu sangi. Kes riskus spisifiku ta ser splikadu ku ditalhi na Fixa di Konsentimentu Informadu. Sertifika ma bu intendi kes riskus pamodi es ten a ver ku rikolha di sangi y tanbé ku piskiza en jeral.

## **Kuzé ki ten di diferenti na tra sangi pa piskiza?**

Si bu tradu sangi komu parti di bu kuidadu médiku rigular, bu dotor normalmenti sa ta txobi bu saúdi, diagnostika un problema ô diskubri si bu sta ku risku di sertus duensas. Oras ki tradu sangi komu parti di piskiza, amostra é tradu pa djuda rispondi un purgunta sientífiku. É ka fetu pa presta-bu kuidadu ô diteta problemas di saúdi. Rikolha di sangi ta fazi parti di monti tipu di piskiza.

A kontrariu di un rikolha di sangi normal undi ki bo y bu dotor nhos ta fala di rizultadu di análizi, un ikipa di piskiza podi ka partilha rizultadus di análizi pa piskiza ku bo. É inpusível ki ningen ka ta bai analiza bu amostra di sangi pa djobi problemas ku bu saúdi. Bu amostra di sangi

podu torna parti di un grupu grandi di amostras ki ta studadu djuntu y djobedu kada un.

## **Partisipa na piskiza é un iskolha**

Ten pruteson pa djuda garanti siguransa di voluntáriu di piskiza (tanbé txomadu di “sujetus di piskiza”) y garanti ki voluntáriu ser tratadu ku ruspetu. Ikupa di piskiza ta splika-bu un Fixa di Konsentimentu Informadu. Es ta bai splika objetivus di studu y pusível riskus y binifísius. Pidi apoiu si bu ka sa ta intendi algun kuza. Bu ka debi nunca xinti apresadu ô prisionadu. Fazi parti di un piskiza é un kuza kompletamenti voluntáriu – é bu iskolha. Bu podi muda di ideia, un kualker ora, pa un kualker mutivu.

